


PILOTA



«Pilotari»ren hirugarren alea.

«Pilotariren» hirugarren alea kalean dago jadanik

DONOSTIA

Euskadiko Euskal Pilota Federazioaren «Pilotari» aldizkariaren hirugarren alea kalean dago jadanik. Fernando Castoren zuzendaritzapean kaleratzen den aldizkariaren ale berri honetan Kiko Caballeroren lana, eskuz banakako txapelketa, zesta puntaren egoera, pala profesionalaren egoera... aztertzen dira. Pilotaren egoera sakonki aztertzen duten hiru rogeitamalau orrialde guztira.

Bergara II eta Retegi IVk irabazi dute Sanjoanetako txapelketa

B mailako txapelketan Arteaga eta Maiz IIk nagusitu ziren

Eibar pilotaren kokagune bilakatu da azken egunetan. Arretxe eta Galarzaren arteko partiduen ostean atzo Eskuz Binakako Txapelketako txapeldunak erabaki ziren. Bergara II-Retegi IV eta Arteaga-Maiz II izan dira irabazleak orohar ona izan den Txapelketan.

EIBAR

Bergara II eta Retegi IV 22-16ko emaitzaz irabazi zieten atzo Alustiza eta Errastiri Eibarko Sanjoanetako txapelketa nagusia. Txapeldunak hasieratik jarri ziren aurretik: 4-0, 6-2, 9-3, 10-4, 11-11, 14-11, 20-13, 21-15 eta 22-16. Partidua hamaika tantura berdindu zenean interesa berpiztu zen, baina Bergara II eta Retegi IV ez ziren behera etorri.

Lau pilotarien artean Jokin Errasti izan zen «patal»en aritu zena. Azkoitiarra ondo hasi zen, baina gutxi naka behera egin zuen. Lehen mailako pilotariekin jokatu duen lehen



Maiz II ondo aritu zen.

txapelketan maila polita erakutsi du Errastik, baina atzoko finalean ez zuen dakien bezala jokatu.

Txapeldunei dagokienez, Bergara II izan zen gehien nabarmendu zena. Bergara II eta Alustizaren arteko norgehiagoka lehenaren alde erabaki zen.

✓ Orohar partidu politik ikusi ahal izan dira Eibarko Sanjoanetan.

ARTEAGA ETA MAIZ II

B mailako finalean Arteaga eta Maiz II 22-10eko emaitzaz irabazi zieten Ariznabarreta eta Aldazabal IIari. Partidua orohar kaskarra izan zen. Bikote txapeldunak ondo jokatu zuen, baina ez zuten gehiegi behar izan garaipena eskuratzeko.

Ariznabarreta bizkaitarra izan zen gaizkien ibili zena. Profesional mailan bikain hasi zen aurrelaria gaizki dabil azken partiduetan. Atzokoan ere oso gaizki aritu zen. Arteagak denbora guztian dominatu zuen Ariznabarreta, honek ez bait zuen ohizkoa duen jokoa erakutsi. Aldazabalek joko maila polita erakutsi zuen, baina hau ez zen nahikoa izan partidua irabazi ahal izateko. Markagailuak amaieran erakusten zuen 22-10eko emaitzak partiduan zehar kantxan ikusitakoa isladatzen du.

LABURREAN

BRASIL-SESIB eta Portugal-Australia final erdietan

Sub'20 Munduko Futbol Txapelketaren final erdiak gaur jokatu dira Portugalen. Brasilek Soviet Batasuna izango du etsai, eta Brasilek Australia, final laurdenetan Corea, Espainia, Mexico eta Siria kanpoan utzi ondoren. Brasilarrak eta portugaldarrak agertzen dira faborito finalerako bidean, baina sovietarrek talde indartsua dutela erakutsi izan dute, eta Brasilen kontrako partidua ikusgarria izateko osagarri guztiak ditu.

KOHLER 700 milioi pezetan fitxatu du Juventus taldeak

Bayer Munchen taldeko Jurgen Kohler jokalaria 700 milioi pezetan (35 milioi libera inguru) fitxatu du Juventus talde italiarrak, Alemaniako selekzioan aritu izan den jokariaren abokatuak jakin erazi duenez. Gaur bertan aurkeztuko du Kohler alemaniarra Giovanni Trapatoni entrenatzaileak, Stefan Reuter jokariarekin batera. Azken honen truke, Juventusek 470 milioi pezeta inguru ordaindu ditu.

SENNA izeneko auto marka egingo dute aurki japoniarrek

Ayrton Senna brasildararen izena erabiliz, datorren urtean automobil marka berria merkaturatuko du japoniar elkarte batek. Formula 1eko txapeldun handiaren ospea eta Japonian eragiten duen uste ona aprobetxatuz, 'Senna' autoak laster izango dira salgai. Bi milatik gora ez dira egingo ordea, eta 80.000 dolar inguru ordaindu beharko du horrelakorik eskuratu nahi duenak.

SAID Aouitak bigarren galdu hiru egunetan

Said Aouita atleta marokkiarrak bigarren porrota jasan du jarraian, hiru eguneko epean. Estrainekoan, Neobrandenburgoko mitinean Kennedy estatubatuarren atzetik sailkatu bazen 3.000 metroko karreran, Montgeroneko bilkuran ere ezin izan zuen irabazi Marokoko atleta handiak —tailaz, ez tainaz—. Matias Natawilikura ruandarra Aouitaren aurretik sailkatu zen 5.000 metroko karreran, 13.32.50 denborarekin. Said Aouitak, bigarren postuan, 13.37.95 denbora egin zuen.

TENISA



Angulo Nafarroa eta Errioxako lehendakariekin bilduko da

MADRIL

Espainiako Pilota Federazioako lehendakaria den Garcia Angulo, Nafarroako eta Errioxako federazioetako lehendakariekin bilbuko da gaur Logroñon. Bertan, lehengo astean Euskadiko eta Espainiako federazioek hitzegin zutenaren azterketa egingo dute hiru federazioetako buruek.

Lehengo astean Madrilen burutu zen bileraren ostean, Euskadiko Federazioarekin negoziatzeko asmoa

zuela azaldu zuen Garcia Angulok. Badirudi hitz horiek ez dutela batere onik egin Errioxako eta Nafarroako federazioetan.

De Lamoren ordezkioak Nafarroako eta Errioxako kideekin aztertu beharko ditu aipatutako puntu guzti hauek.

Madrileko bileran ez zen akordioarik lortu. Hauteskunderen osteko bilera «arunt» bat besterik ez zen izan. Baina Kiko Caballerok zuzentzen duen taldeak argi eta garbi utzi du ez duela aurreko bidetik jarraituko.

Karteldegia

Gaurko partiduak

EZKURDIA. 17.00. Aperribai - Iñigo/Zulueta - Loibe II. Arrasate II - Kareaga / Kastaños - Goitia I. Zapirain - Goya II / Areitio - Alberto.

Osteguneko partiduak

EUSKAL. 16.00. Urretabizkaia II / Zandio. Matxin - Zubeldia / Elizalde II - Aizpuru. Salaberria - Ezkurdia / M. Lekunberri - Saldias. Lezea - Lizaso I / Urkia - Txikuri.

GALARRETA. 16.00. Egialde - Zestau II / Zeberio - Imaz. Aseginolaza I - Mujika I / Arregi - Agerre. Altuna - Zestau I / Aseginolaza II - Barrenetxea. Ezkurra - Ulzurrun / Ollo - Astrain.

DEPORTIVO. 16.30. Arteagotia - Otxandiano / Landea - Aia

Zulaika. Arribillaga - Maruri / Isusi II - Langarika. Alustiza - Goldarazena / Iriondo - Torre. Garma - Alzibar / Sanchez - Artola.

BARAÑAIN. 20.00. Bengoetxea IV - Galarza / Retegi II - Arretxe.

Larunbateko partiduak

ZUMAIA. 17.00. Soroa III - Mendia / Tolosa III - Salbidea. Alustiza - Errasti / Salaberria - Zezeaga.

MUNGIA. 17.00. Urzainki - Retegi IV / Ansotegi - Iturza. Bergara - Galza / Retegi II - Errendonea.

Igandeko partiduak

ESKORIATZA. 17.00. Arteaga - Urria / Muntion - Berna. Etxaniz - Maiz / Ariznabarreta - Aldazabal.

EURIA da protagonista Winbledonen. Atzokoan partidu batzuk jokatu ziren, baina ihardunaldi behin eta berriz geratu egin behar izan zuten antolatzaileek. Jokatu ziren partiduetan, Martina Navratilovak hungararren partidua irabazi zuen. Estatubatuarrek erraz gaudituz Elna Reinach, eta sasoian dagoela erakutsi zuen. Arantxa Sanchez Vicariok ere ez zuen arazorik izan Barbara Rittner gaudituzko, 6-1 eta 6-2.